

heimili sem búa við slíka hitun og eiga ekki kost á heitu vatni til upphitunar frá jarðhita-veitu sem starfrækt er á viðkomandi stað.

RARIK selur raforku til húshitunar á lægra verði en til almennrar notkunar og veitir enn fremur fyrst um sinn sérstakan afslátt til þeirra sem nota raforku til hitunar íbúðarhúsnæðis.

Um niðurgreiðslur gilda eftirfarandi reglur:

Hver kílóvattstund (kWh) er niðurgreidd um fasta upphæð, upp að ákveðinni hámarksnotkun. Til grundvallar þessu er lögð orkunotkun að hámarki 50.000 kWh/ári samkvæmt lið C.1 og H.1 og að hámarki 70.000 kWh/ári samkvæmt lið A.5, en er skipt hlutfallslega niður á reikningstímabilið.

Þetta skal framkvæmt á eftirfarandi hátt:

*Liður C.1 Rofin daghitun:*

Niðurgreidd er orka sem er allt að 137 kWh á dag að jafnaði á notkunartímabilinu (*notkunartímabil = tímabilið milli álestra*). Niðurgreiðsla nemur 2,23 kr./kWh, afsláttur Landsvirkjunar nemur 0,34 kr./kWh og sérstakur afsláttur RARIK að auki 0,076 kr./kWh. Alls 2,646 kr./kWh.

*Liður A.5 Markmæling:*

Niðurgreidd er orka sem er allt að 192 kWh á dag að jafnaði á notkunartímabilinu. Niðurgreiðsla nemur 1,59 kr./kWh, afsláttur Landsvirkjunar nemur 0,24 kr./kWh og sérstakur afsláttur RARIK að auki 0,047 kr./kWh. Alls 1,877 kr./kWh.

*Liður H.1 Hitaveita:*

Niðurgreidd er orka sem er allt að 137 kWh á dag að jafnaði á notkunartímabilinu. Niðurgreiðsla nemur 2,04 kr./kWh og sérstakur afsláttur RARIK að auki 0,064 kr./kWh. Alls 2,104 kr./kWh.

*Liður C.2 Næturhitun:*

Ekki er sett hámark við niðurgreiðslur samkvæmt lið C.2 næturhitun. Niðurgreiðsla nemur 1,28 kr./kWh, afsláttur Landsvirkjunar nemur 0,39 kr./kWh og sérstakur afsláttur RARIK að auki 0,053 kr./kWh. Alls 1,723 kr./kWh.

Þessar tölur eru án virðisaukaskatts og gilda frá 1. febrúar 2002.

*Iðnaðarráðuneytinu, 26. ágúst 2002.*

**Valgerður Sverrisdóttir.**

*Þorgeir Örlygsson.*

## REGLUGERÐ

**um breytingu á reglugerð nr. 288/1987, ásamt síðari breytingum,  
um veitinga- og gististaði.**

1. gr.

2. mgr. 3. gr. breytist og orðast svo:

Umsókn skulu fylgja eftirtalin gögn:

a) Nákvæm teikning af húsnæði. Ef um blandaða notkun húsnæðis er að ræða skal fylgja staðfest afrit af aðaluppdrætti þess þar sem fram kemur afmörkun þess rýmis sem ætlað er fyrir reksturinn og skal tilgreina stærð þess í fermetrum.

b) Lýsing á fyrirhuguðu húsnæði ásamt nauðsynlegum skýringum á rekstri.

2. gr.

1. mgr. 4. gr. breytist og orðast svo:

Umsókn ásamt fullnægjandi gögnum skal send til umsagnar hlutaðeigandi sveitarstjórnar, byggingarfulltrúa, eldvarnareftirlits, heilbrigðisnefndar og vinnueftirlits.

3. gr.

Við 1. mgr. 6. gr. bætast orðin: og eftir atvikum þann árstíma sem tilgreindur er í leyfinu.

4. gr.

Við 2. mgr. 9. gr. bætist ný setning er orðast svo:

Byggingarfulltrúa skal sent afrit af útgefnum leyfisbréfum.

5. gr.

Reglugerð þessi sem sett er samkvæmt ákvæðum laga nr. 67, 28. júní 1985, um veitinga- og gististaði, öðlast þegar gildi og birtist til eftirbreytni öllum þeim sem hlut eiga að máli.

*Samgönguráðuneytinu, 29. ágúst 2002.*

**Sturla Böðvarsson.**

*María Thejll.*

## AUGLÝSING

### um nýtt og breytt deiliskipulag í Hveragerði.

Samkvæmt skipulags- og byggingarlögum hefur bæjarstjórn Hveragerðisbæjar samþykkt:

Breytingu á deiliskipulagi við Bjarkarheiði, Hveragerði, samþykkt í bæjarstjórn Hveragerðis þann 18. júní 2002.

Breytingu á deiliskipulagi við Kambahraun 53-60, Hveragerði, samþykkt í bæjarstjórn Hveragerðis þann 18. júní 2002.

Nýtt deiliskipulag við Réttarheiði, Hveragerði, samþykkt í bæjarstjórn Hveragerðis þann 4. júlí 2002.

Nýtt deiliskipulag við Kjarrheiði og Valsheiði, Hveragerði, samþykkt í bæjarstjórn Hveragerðis þann 4. júlí 2002.

Tilheyrandi greinargerðir og uppdrættir hafa hlotið þá meðferð sem skipulags- og byggingarlög mæla fyrir um. Deiliskipulögin öðlast þegar gildi.

*Skipulagsfulltrúi Hveragerðisbæjar, 21. ágúst 2002.*

**Guðmundur F. Baldursson.**